

ԳՐԱԴԱՐԱՆԱԿԱՆ ԵՎ ՔՆՆԱԿԱՆ ԴՈՒՍԺՈՒՄՆԵՐ

ԱՐԺԵՔԱՎՈՐ ԱՇԽԱՏՈՒԹՅՈՒՆ ՀԱՅԱՍՏԱՆԻ ԲԱՆՎՈՐՆԵՐԻ ԵՎ
ԳՅՈՒՂԱՑԻՆԵՐԻ ՌԵՎՈԼՅՈՒՑԻՈՆ ՊԱՅՔԱՐԻ ՊԱՏՄՈՒԹՅԱՆ ՄԱՍԻՆ*

Հայկական ՍՍՌԻ ԳԻՒ Հրատարակության ղեկավար լույս է տեսել Հ. Մ. Էլ-
չիրեկյանի գիրքը՝ նվիրված Սովետական իշխանության հաստատման համար 1917—
1920 թթ. Հայաստանի աշխատավորների մղած պայքարի պատմությանը:

Դիրքը զբաղեցնում է արխիվային փաստաթղթերի, պարբերական մամուլի, բազմաթիվ
այլ աղբյուրների ու տվյալների հիման վրա, հեղինակի համար մեթոդոլոգիական ելակետ
և ուղեցույց են հանդիսացել ինչպես տվյալ ժամանակաշրջանին, այնպես էլ զբոսով քն-
նության տոնված կոնկրետ հարցերին վերաբերող մարքսիզմ-լենինիզմի կլասիկների
համապատասխան աշխատություններն ու դրույթները, պարտիական վերադաս մարմին-
ների գիտելիքներն ու որոշումները:

Իրախոսվող աշխատությունը բնագրով է համեմատաբար կարճ պատմական ժա-
մանակաշրջան, մոտ չորս տարվա պատմություն, սակայն այդ ժամանակաշրջանը էական
տարբերվում է պատմության անցյալ էտապներից թե իր սոցիալ-դասակարգային և թե
պատմա-քաղաքական բովանդակությամբ, ինչպես և ներքին ու արտաքին բարդ իրադար-
ձություններով: Ինչ ժամանակաշրջանի պատմությունը նշանավորվում է Հոկտեմբերյան
սոցիալիստական Մեծ ռևոլյուցիայի հաղթանակով Ռուսաստանում:

Հայ ժողովրդի դարավոր պատմության մեջ 1917—1920 թթ. ժամանակաշրջանը մե-
ծապես նշանակալի է նրանով, որ Հայաստանի բանվորներն ու ղյուղացիներն, ողջնչվե-
լով Հոկտեմբերյան ռևոլյուցիայի հաղթանակով ու նրա ազատագրական դադափարներով,
Կոմունիստական (բոլշևիկների) պարտիայի Հայաստանի կազմակերպությունների ղեկա-
վարությամբ, իրենց սուս եզրայրների օրինակով պայքարում էին քաղաքական ազատու-
թյան ու բարեկեցիկ ապագայի համար, երկրում Սովետական իշխանություն հաստատե-
լու միջոցով դարեր առաջ կորցրած հայ ժողովրդի պետականությունը ձեռք բերելու և
ազգային ազատ բարգավաճման պայմաններ նվաճելու համար:

Հ. Էլչիրեկյանի գիրքը, հակիրճ կերպով, բնթերցողին ծանոթացնում է այն պայ-
քարի պատմության հետ, որ մղվել է Հայաստանում փետրվարյան ռուսոկա-դեմոկրա-
տական ռևոլյուցիայից մինչև 1920 թվականի վերջերը ռենկոր դասակարգերի և օտարերկ-
րյա իմպերիալիստական զաղութարարների դեմ, նրանց կամակատար և ստոր զործակալ,
հայ ժողովրդի ուրերիմ թշնամի զաշնակների արյունոտ տիրապետություն տապալելու և
Հոկտեմբերյան ռևոլյուցիայի հաղթանակը Հայաստանում իրականացնելու համար:

Հեղինակը թե մեթոդոլոգիական և թե պատմա-քաղաքական տեսակետից սկզբունքո-
րեն միանգամայն ճիշտ է վարվել, երբ Հայաստանի 1917—1920 թթ. պատմությունը
քննել է Ռուսաստանի, այդ թվում և Անդրկովկասի պատմության ֆոնի վրա, Հայաստա-
նի բանվորների և ղյուղացիների ռևոլյուցիոն պայքարը գիտելով որպես Ռուսաստանի ու
Անդրկովկասի աշխատավորների բնահանուր պայքարի մի մասը և նրա հետ սերտորեն
շաղկապված: Ինչ օգնել է հեղինակին բարդ իրադրության պայմաններում ճիշտ գնահա-
տության ենթարկել ռևոլյուցիոն և կոնտրռևոլյուցիոն ուժերի միջև Հայաստանում տեղի
ունեցող սուր պայքարը և հիմնականում հանդել ճիշտ հետևություններ: Ինչ պետք է
համարել զբոսի ամենակարևոր արժանիքը:

Հեղինակը առանձին ենթադրուել է նվիրել 1917 թ. փետրվարյան ռևոլյուցիայից հե-
տո մինչև Հոկտեմբերյան ռևոլյուցիան բնկած ժամանակաշրջանում, ամբողջ երկրում, այդ
թվում Անդրկովկասում ու Հայաստանում գոյություն ունեցող իրադրությանը: Գրքում

* А. М. Эльчибекян, Установление советской власти в Армении, Академия наук
Армянской ССР, Институт истории, Изд. АН, Под редакцией Е. Саркисова, 1954,
стр. 134.

ընդգծված է, որ փետրվարյան բուրժուա-դեմոկրատական ռեոլյուցիան որևէ նկատելի փոփոխություն չմտցրեց ամբողջ երկրի, այդ թվում և Հայաստանի աշխատավորական մասսաների դրություն մեջ, նրանց հույսեր ոչ մի հարց չլուծեց, ժամանակավոր կառավարությունը և նրա տեղական օրգանները մենչեիկներին, Լսեոներին և բուրժուա-նացիո-նալիստական պարտիաներին աջակցությամբ շարունակում էին իրականացնել ցարիզմի քաղաքականությունը պատերազմի, բանվորական, ագրարային և ազգային հարցերում: Բոլշևիկներին պարտիան պահանջում էր ոչ մի վստահություն չտաձել զեպի ժամանակավոր կառավարությունը, ամբողջ իշխանությունը հանձնել սովետներին և պայքարում էր ռեոլյուցիան մինչև վերջ հասցնելու համար:

Գրքում բերված են անհրաժեշտ փաստեր, որոնք բնթերցողին լրիվ պատկերացում են տալիս 1917 թ. դարնան և ամռան ամիսներին ու հետագայում ամբողջ երկրամասում ծավալված բանվորական շարժման, գյուղացիական ելույթների մասին, աշխատավորների մեջ բոլշևիկներին կատարած աշխատանքների մասին: Ընթերցողը համոռոտակիորեն ծանոթանում է այն պայքարի հետ, որ մղվում էր Անդրկովկասում, պարսիայի ապրիլյան կոնֆերենցիայի և 6-րդ համագումարի լենինյան դիրեկտիվներին կենսագործման համար:

Հայաստանում կատարված մասսայական-քաղաքական աշխատանքի շնորհիվ աճում աւամբանում են Ալավերդու, Լոռու, Ալեքսանդրապոլի և բոլշևիկյան մյուս հագմակերպությունները, որոնց շուրջ սկսում են էլ ավելի համախմբվել աշխատավորները:

Ցարական զենեքալ կոռնիլովի կոնտրռեոլյուցիոն ելույթի ջախջախումից հետո ամբողջ երկրում և Անդրկովկասում աշխատավորական լայն խավերի մեջ էլ ավելի է բարձրանում բոլշևիկյան պարտիայի հեղինակությունը: Բանվորները, գինվորները և աշխատավոր գյուղացիները սկսում են հեռանալ համաձայնողական պարտիաներից և համախմբվել բոլշևիկյան դրոշի տակ: Այդ բնգհանուր իրադրությունը պայմաններում 1917 թվականի հոկտեմբերին Թիֆլիսում գումարվում է Կովկասյան բոլշևիկներին առաջին համագումարը, որի աշխատանքները զեկավարում էր Ստ. Եահումյանը: Համագումարի աշխատանքները բնթանում են Թեկ(ը)Պ 6-րդ համագումարի դիրեկտիվներին կենսագործման նշանաբանով: Համագումարից հետո Անդրկովկասի և Հայաստանի բոլշևիկները, կենսագործելով պարտիայի 6-րդ համագումարի որոշումները, նախապատրաստվում են սոցիալիսական ռեոլյուցիային:

Հոկտեմբերյան ռեոլյուցիան, հաղթանակելով Թուսաստանի կենտրոնում, արագորեն ծավալվում է երկրի ծայրամասերում: Նա խիստ կերպով փոխում է դրությունը նաև Անդրկովկասում: Անդրկովկասի և Հայաստանի աշխատավորները պրոլետարական ռեոլյուցիայի հաղթանակի յուրր գիմավորում են մեծապւշն խանդավառությամբ և պայքարում են նրա հաղթանակը Անդրկովկասում ևս ապահովելու համար: Հեղինակը հանգամանորեն խոսում է հոկտեմբերից հետո ստեղծված իրադրության մասին, վկայակոչելով բազմաթիվ փաստեր՝ մերկացնում է ունեոր դասակարգելի, կոնտրռեոլյուցիոն պարտիաներին, ցարական զենեքալներին և Անտանտայի իմպերիալիստներին միասնական ջանքերը, որոնց նպատակն էր կանխել հյուսիսից եկող ռեոլյուցիայի ծավալումն Անդրկովկասում: Այդ հակասովետական բրեկը 1917 թ. նոյեմբերին 15 (28)-ին կազմակերպում է, այսպես կոչված, Անդրկովկասյան կոմիտարիատ, իսկ 1918 թ. փետրվարի 10 (23)-ին՝ Սեյմ ու գինված պայքար սկսում Սովետական Թուսաստանի դեմ, զաժանորեն հետապնդելով Անդրկովկասի ռեոլյուցիոն բանվորներին, գյուղացիներին և գինվորներին: Սակայն ոչ հալածանքը և ոչ էլ տեռորը չեն կարողանում կասեցնել բանվորների և գյուղացիների պայքարը՝ Սովետական իշխանության հաստատման համար:

Գրքում հիշատակված են մի շարք կարևոր փաստեր, որոնք պատկերում են բանվորների, գինվորների և գյուղացիների պայքարը բնղղեմ հակասովետական կռալիցիայի և ցույց են տալիս, որ աշխատավորները չէին ցանկանում ճանաչել ինքնակոչ կոմիտարիատի և ապա Սեյմի իշխանությունը: պահանջում էին ճանաչել ժողովուրդների իշխանությունը: Լենինի գլխավորությամբ:

Հեղինակը կանգ առնելով ազգային հարցի վրա, ցույց է տալիս, որ փետրվարյան ռեոլյուցիան չլուծեց Թուսաստանի ժողովուրդներին, այդ թվում և հայ ժողովրդին մշտապես գրաղեցնող ազգային հարցը, որ մարդկության պատմության մեջ առաջին անգամ ազգային հարցը վերջնականապես լուծեց և ժողովուրդների իսկական ազատագրումը գործնականորեն իրականացրեց սոցիալիստական ռեոլյուցիան: Գրքում բերված են Սովե-

տական պետություն ազգային քաղաքականությունը վերաբերող առաջին պատմական երկու փաստաթղթերը՝ Ռուսաստանի ժողովուրդների իրավունքի ղեկավարացիան և Ժողովրդավարական ղեկերի մասին՝ Արևմտյան Հայաստանի մասին։ ՔՀԿ-ի ժողովուրդը — դրոշմ է հեղինակը, — հուլայական դոկտրինայով է գիմնավորում այդ ղեկերի, որոնք իրական պայմաններ է ստեղծում արևմտահայերին թյուրքական դարավոր կեղեքումից փրկելու (էջ 35)։ Այդ ղեկերի իրադրոժմանը խանգարում է մի կողմից գերմանա-թյուրքական իմպերիալիստների ավազակային հարձակումը երիտասարդ Սովետական Ռուսաստանի վրա, իսկ մյուս կողմից՝ Անդրկովկասի կոնտրառլյուցիոններին՝ մենշևիկներին, զաշնակներին, մոսավաթիստներին և այլոց զավաճանությունը։

Ազդեցությունների ժողովրդական կոմիտեի մասին ի դեմս նրա սխեմայում կազմակերպված Հայկական Ազգային Դուքների կոմիտեի մասին՝ Լենինի և Ստալինի պլանավորությունները խոշոր աշխատանք է կատարում հայ ժողովրդի շահերը պաշտպանելու, իրենց հայրենի վայրերից բռնաբար, սպառնալիքներով և Ռուսաստանի պանդան զայրերում ապաստանած հարյուր հազարավոր հայերի դուրսբերումը պահպանելու և հայ աշխատավորներին Սովետական իշխանության շուրջը համախմբելու ուղղությամբ։ Սովետական պետությունը հակառակ միջոցներ է տրամադրում՝ հայերեն լեզվով թերթների և զրականության հրատարակման, ուսումնական հաստատություններ և մանկատներ բաց անելու, գաղթածներին նյութական օգնություն ցույց տալու նպատակներին։

Անդրկովկասում սովետական կարգերի հաղթանակից սարսափած և այն կանխելու նպատակով, երկրամասի հակասովետական կոալիցիան գիմնում է արյունոտ ինտերվենուները օգնությունը։ Աշխատավորների կամքին հակառակ նա Անդրկովկասը հանձնում է նախ գերմանա-թյուրքական զավթիչներին, ապա անդլո-ֆրանս-ամերիկյան զաղութարարներին հռչակում։

Գրքում պայլի տեղ է հատկացված զաշնակների համաձայնությունները թյուրքական զավթիչների կողմից Հայաստանի օկուպացիան և դրա հետևանքով հայ ժողովրդի համար սակաված ծանր դրությունը։

Սակայն հեղինակը անհրաժեշտ խորությունով ցույց չի տվել այն չափազանց կարեւոր պատմական նշանակություն ունեցող պայքարը, որ հակառակ զաշնակների կամքի ու ցանկության, նրանց և թյուրքների միջև բախումում կնքված համաձայնության, ժողովրդական լայն մասսաները մղում էին իրենց պատուական զաշնակներ համար։

Հայտնի է, որ 1918 թ. ապրիլ — մայիս ամիսներին թյուրքերը անցնում են հարձակման, թափանցում են Անդրկովկաս, որի հետևանքով հայ ժողովրդի համար բացառիկ ծանր դրություն է ստեղծվում։ Պատմական փաստ է, որ զաշնակները լքում են ռազմաճակատը, արդիական թյուրքական արշավին գիմադրելու գործը։ Նրանց՝ առաջին կոչված ազգային զնդերը, ստանց գիմադրելու արագ նահանջում են՝ մեկը մյուսի հետևից թրշնամում են թյուրքական կանոնավոր և զերակշռող զորքերի արշավանքը և պայլի կորուստ պատճառում նրանց։

Հայ ժողովրդի բոլոր գծավորությունների պատճառ հանդիսացող զաշնակների այդ ստոր քաղաքականության հակառակ՝ ժողովուրդը հերոսական գիմադրություն է ցույց տալիս թյուրք կնիչներին։ Երևանի և Էջմիածնի զավառների բնակչությունը Սարգսյանի զաշնում պարտություն է մատնում Երևանի վրա հարձակող թյուրքական զորքերին։ Իսկ Ղազար — Դիլիջան — Փամբակի շրջանների գյուղացիները երեք օր կասեցնում են թյուրքական կանոնավոր և զերակշռող զորքերի արշավանքը և պայլի կորուստ պատճառում նրանց։

Հայաստանի աշխատավորների հերոսական ազատագրական պայքարի այդ փաստավոր էջերը գրքում տեղ չեն գտել և հեղինակի կողմից պատշաճ գնահատության չեն արժանացել։

Փաստերով հանգամանորեն մերկացված է զաշնակների ու նրանց մարիոնետային կառավարության հակաժողովրդական և հակասովետական ներքին ու արտաքին քաղաքականությունը։ Անդրկովկասի մյուս բուրժուա-նացիոնալիստական պարտիաների հետ միասին, զաշնակները Հայաստանը դարձրել էին իմպերիալիստների զաղութը։ Նրանց ռազմատերատերական հենակետը Սովետական Ռուսաստանի գեմ պայքարելու համար։ Սովետական Ռուսաստանի բանվորների և գյուղացիների գեմ մղվող պայքարում զաշնակները ախտիվ կերպով համադրածակցում էին ինտերվենուների և սպիտակգվարդիական զնենքայլների հետ, օգնում էին նրանց այն ամենով, ինչով որ կարող էին։

Հեղինակը հարուստ փաստերով և տվյալներով պատկերել է Հայաստանի ներքին գրությունը 1918—1920 թվականներին: Հայ ժողովրդի պատմության մեջ դաշնականների տիրապետության ժամանակաշրջանը եղել է մոռալ ու կոշմարային. ժողովրդական տնտեսության ընդհանուր փլուզումը շտեմնված չափերի էր հասել, սովն ու համաճարակը ամեն ուր հաղարավոր կյանքեր էին տանում գերեզման: Հայաստանում թագավորում էր աղքատությունը, կեղեքումը, անարխիան, թալանն ու տեղորոշ: «Դաշնականները և նրանց ամերիկա-անգլիական տերերը Հայաստանը դարձրել էին ավերակների կույտ և ժողովրդին կանգնեցրել էին անդունդի եզրին» (էջ 71):

Ժողովուրդների դահլիճ ամերիկա-անգլիական իմպերիալիստների և նրանց զործակալ դաշնականների տիրապետությունը ժողովրդական լայն խավերի մեջ խոր ատելություն էր առաջացրել: Հայաստանի բանվորների և գյուղացիների պայքարը տիրող ռեժիմը տապալելու, զաղութարարներին երկրից վռնելու և սովետական կարգերի հաղթանակը ապահովելու համար՝ երբեք չի դադարում, և առավել կազմակերպված բնույթ ու լայն ծավալ է ստանում 1919 թվականի կեսերից:

1918—1920 թթ. Հայաստանում տեղի են ունենում բանվոր ծառայողները մի շարք զործագույներ, գյուղացիական ելույթներ, ազդարային հուլիսներ և զինված պայքար, որոնք ուղղված էին դաշնականների տիրապետության դեմ, երկրում տիրող հակաաշխատավորական ռեժիմի, անարդարությունների ու անարխիայի դեմ: Գյուղացիական ելույթների և հուլիսների հիմնական բովանդակությունը կազմում էր աշխատավորների կենսական կարիքների բավարարումը, հողի հարցը և ուղղված էր դաշնականների բուրժուական լալակային ազդարային քաղաքականության դեմ: Այդ հուլիսները հանդիսանում էին այն պայքարի շարունակությունը, որ Հայաստանի աշխատավոր գյուղացիությունը սկսել էր մղել Սովետական իշխանության և հողի համար հոկտեմբերյան Մեծ ռեոլյուցիայից հետ (էջ 73—70):

Հայաստանի և ամբողջ Անդրկովկասի բանվորների և աշխատավոր գյուղացիների պայքարը՝ Սովետական իշխանության հաստատման համար ղեկավարում ու կազմակերպում էր կոմունիստական մեծ պարտիան: Պարտիայի ղեկավարողների կոմիտեն՝ Վ. Ի. Լենինի ղլխավորությամբ ղեկավարում էր ամբողջ երկրի կոմունիստական կազմակերպությունների զործունեությունը, մեծադույն օգնություն էր ցույց տալիս նախկին ցարական Ռուսաստանի ծայրամասերի ժողովուրդներին՝ նրանց սոցիալ-դասակարգային և քաղաքական ազատության համար, Սովետական իշխանության համար մղվող պայքարում:

Հ. Մ. Էլշիրեկյանը հակիրճ կերպով ցույց է տվել, որ Հայաստանի կոմունիստական կազմակերպությունները Հի(ր)Պ Երկրային կոմիտեի ղեկավարությամբ աշխույժ քաղաքական-մասսայական աշխատանք են ծավալում աշխատավորների մեջ, ղլխավորում էին նրանց պայքարը դաշնականների տիրապետությունը տապալելու համար: 1919 թ. կեսերից սկսած պարտիական կազմակերպությունները նոր լիցք և թափ են ստանում, աճում են պարտիական բիջները, ավելանում է կոմունիստների քանակը, մանավանդ 1920 թ. հունվարին տեղի ունեցած կոնֆերենցիայից հետո:

1920 թ. դարձան Նյուսիսային կովկասի սալիտակոպարդիական ուժերի դեմ կարմիր Բանակի տարած վճռական հաղթանակները և նրա մոտեցումը Անդրկովկասին, հսկայական նշանակություն են ունենում և նոր, ավելի մեծ թափ են հաղորդում Սովետական իշխանության հաստատման համար Ադրբեջանի, Հայաստանի և Վրաստանի աշխատավորների մղած պայքարին:

Ապրիլի վերջերին Ադրբեջանում Սովետական իշխանության հաստատումը ավելի է բարձրացնում Հայաստանի բանվորների և գյուղացիների մարտական ոգևորությունը, որի փայլուն արտահայտությունը հանդիսանում են մայիսյան զեպերը:

Հեղինակը միանգամայն իրավացիորեն զգալի տեղ է հատկացրել 1920 թ. մայիս-մեկյան ցույցերին և մայիսյան զինված ապստամբություններին:

Մայիսմեկյան մարտական ցույցերը Ալեքսանդրապոլում, Երևանում, Կարսում, Սարիղամիշում, Ղարաբախում և մյուս վայրերում անցնում են բոլշևիկյան դրոշմների տակ և հաստատում են, որ Հայաստանի աշխատավորները պատրաստ էին կոմունիստական պարտիայի ղեկավարությամբ իրենց ուսերից թոթափելու ամերիկա-անգլիական իմպերիալիստների և նրանց զործակալ դաշնականների ծանր լուծը և երկրում հաստատելու Սովետական իշխանությունը: Մայիսմեկյան ցույցերը շուտով վերածվում են զինված ապստամբության, որի ազդանշանը տալիս են Ալեքսանդրապոլի բանվորները, զինվոր-

ներքեւ մյուս աշխատավորները: Այնքան դրապուից հետո ապստամբում են Կարսը, Սարի-ղամիշը, Նոր Բայազետի, Դիլիջանի գավառները և մի շարք շրջաններ: Ամենուրեք ապստամբները հաղթանակում են, հաստատում են Սովետական իշխանութիւնը:

Մայիսյան ապստամբութիւնը համաժողովրդական ապստամբութիւն էր՝ հանուն Սովետական իշխանութեան հաստատման Հայաստանում:

Հայաստանի աշխատավորների թշնամիներին հաջողվում է ճնշել ապստամբութիւնը շնորհիվ այն սխալների, որ թույլ են տալիս Արմենկոմը և Ռազմա-ռևոլյուցիոն կոմիտեն: Ապստամբութեան այդ ղեկավար օրդաններն իրենց դորժողութիւններում ցուցաբերում են անթույլատրելի անվճռականութիւն, դանդաղկոտութիւն և թշնամու նկատմամբ բարեհոգութիւն: «Այդ սխալների հետևանքով, փոխանակ միաժամանակ և ընդհանուր դինված ապստամբութեան, ստացվեցին անջատ, մեկը մյուսի հետ չկապված դինված ելույթներ» (էջ 95):

Չնայած ապստամբութիւնը սլարտվեց, նրա ղեկավարներից շատերը՝ կոմունիստական պարտիայի աննկուն դինվորները ընկան այդ պայքարում, բանտերը լցվեցին հարյուրավոր կոմունիստներով ու ռևոլյուցիոն բանվորներով, գյուղացիներով և դինվորներով, բայց և այնպէս պայքարը՝ հանուն Սովետական իշխանութեան ընդդէմ դաշնակների և նրանց ամերիկա-անգլիական տերերի, չդադարեց, այն շարունակվեց ընդհուպ մինչև Սովետական իշխանութեան հաղթանակը Հայաստանում:

Մայիսյան հերոսական ապստամբութիւնը հանդիսացավ սովետական կարգերի հաստատման համար Հայաստանի բանվորների ու գյուղացիների մղած պայքարի փառապանծ էջերից մեկը (էջ 100):

Մայիսյան ապստամբութիւնը հանդիսացավ բաղադրացիական պատերազմի դպրոց, որի դասերը հաշվի առնելով Հայաստանի բանվորները և գյուղացիները, կոմունիստական պարտիայի ղեկավարութեամբ, եռակի էներգիայով շարունակում էին պայքարել, երբեք չտարակուսելով իրենց վերջնական հաղթանակի մասին:

Իր աշխատութեան վերջին դուխը հեղինակը նվիրել է Հայաստանում սովետական կարգերի հաստատման պատմութեանը: Հայ ժողովրդի անարդ թշնամի դաշնակները և նրանց տերերը՝ ամերիկա-անգլիական իմպերիալիստները արյան մեջ խեղդելով մայիսյան հերոսական ապստամբութիւնը, չէին կարող կասեցնել աշխատավորների ռևոլյուցիոն-պայքարը: Քաղաքացիական կռիվները ընդդէմ դաշնակների շարունակվում էին Ղազախ—Շամշադինի շրջանում և Ջանդեղուքում, սուր բնույթ ընդունելով մանավանդ Ջանդեղուքի գավառում:

Հեղինակը հանդամանորեն կանգ է առել դաշնակների և բեմալականների միջև տեղի ունեցած պատերազմի, հայ ժողովրդի համար այդ պատերազմի ունեցած ծանր հետեւանքների վրա և ցույց է տվել, որ Անտանտայի պետութիւնները առաջին հերթին Անդլիան, հրահրելով այդ պատերազմը, նպատակ ունեին խեղդել հայ ժողովրդի կործանման զնով թուրքերին ընդդրկել հակասովետական ինտերվենցիայի մեջ: Դրքում բերված են փաստեր, որոնք ցույց են տալիս, որ այդ կատաստրոֆիկ դրութիւնից դուրս գալու միակ ելքը դաշնակների տիրապետութեան տապալումն ու երկրում սովետական կարգերի հաստատումն էր:

Հայաստանի բանվորների և գյուղացիների պայքարը Սովետական իշխանութեան համար 1920 թվականի աշնանից ավելի է ուժեղանում, մտնելով նոր փուլի մեջ, որը և ավարտվեց նրանց պատմական հաղթանակով:

1920 թ. նոյեմբերի 29-ին Հայաստանի հյուսիսային շրջանների աշխատավորները Հայաստանի կոմպարտիայի ղեկավարութեամբ ապստամբում են և Սովետական Ռուսաստանի դինված ուժերի դորամասերի օգնութեամբ վերջ են դնում դաշնակների արյունոտ դիկտատուրային և Հայաստանում հաստատում են սովետական կարգեր: Այսպիսով, Սովետական իշխանութեան համար Հայաստանի բանվորների ու գյուղացիների մղած պայքարը կոմունիստական պարտիայի ղեկավարութեամբ և ողւս մեծ ժողովրդի օգնութեամբ պսակվում է վերջնական հաղթանակով:

Սովետական կարգերի հաստատումը Հայաստանում հայ ժողովրդի պատմութեան մեջ շրջադարձային կետ հանդիսացավ: Բաղմաշարչար հայ ժողովուրդը փրկվեց ֆիդիկա-կան բնաջնջումից, սոցիալական ու ազգային վերածննդի անսահման մեծ, մինչ այդ չտեսնված հնարավորութիւն ստացավ և վերականգնեց դարեր առաջ կորցրած իր պետականութիւնը: Սովետական իշխանութեան շնորհիվ Հայաստանը դուրս եկավ տնտեսական

փյուզումից և Հայաստանի աշխատավորները բռնեցին տնտեսական ու կուլտուրական շինարարության զարգացման նոր ուղի:

Հ. Մ. Էլշիրեկյանի աշխատությունն ունենալով ակնառու առավելություններ և մեծ կարևորություն, դերժ չի նաև մի քանի թերություններից: Նախ և սոսա՞հարկ է նշել, որ զիրար ավելի կշահեր և է՛լ ավելի օգտավետ կլինեին, եթե հեղինակը որոշ հարցեր լուծարաներ ավելի հանդամանորեն, խուսափեր սխեմատիզմից, որը նկատվում է զրբի մի շարք դրույթներում:

Միանգամայն ճշմարտացիորեն ցույց տալով, որ կոմունիստական պարտիան միակ պարտիան էր, որ կանգ չառնելով ոչ մի դժվարության առաջ, համարձակ և հետևողականորեն իրականացնում էր իր ավանդարդային դերը, կազմակերպում ու ղեկավարում էր Հայաստանի բանվորների և աշխատավոր ղեկավարների ու ղեկավարներին պայքարը ընդդեմ ներքին ու արտաքին կեղեքիչների, բնագծից դաշնականների և նրանց հակաժողովրդական տիրապետության՝ հեղինակը, այնուամենայնիվ, իր աշխատության մեջ մոռացություն է տվել սկզբնական պարտիական կազմակերպությունների աշխատանքը, պատշաճ տեղ չի տվել այն կազմակերպչական, քաղաքական-մասնայական աշխատանքներին, որ կատարվում էին պարտիայի ստորին օղակների՝ բջիջների կողմից՝ Հայաստանի քաղաքներում, գավառներում և գյուղերում: Մինչդեռ փաստ է, որ Հայաստանի կոմունիստական կազմակերպությունները՝ բջիջները 1917—1920 թթ. աճեցին քանակապես, ամրացան կազմակերպորեն և բազմաթիվ վայրերում իրենցից լուրջ ուժ էին ներկայացնում: Նրանք մեծ հեղինակություն էին օգտվում աշխատավորների մեջ ոչ միայն բանվորական վայրերում, այլև գյուղերում ու ղեկավարական մասերում: Կոմունիստական կազմակերպությունների աշխատանքը Ալեքսանդրապոլում, Կարսում, Սարիգամիշում, Դարաբաղում, Երևանում, Նոր Բայազետում, Գիլիջանում, Ջանդեղդուրում և մի շարք այլ շրջաններում ու գյուղերում, ինչպես և ղեկավարների շրջանում, լայն ծավալ են ստանում 1919 թ. կեսերից, ավելի են խորանում նույն թվականի վերջերից և 1920 թ. սկզբներից:

Ակնհերե է, որ բանվորների և գյուղացիների պայքարի պատմությունը դրելիս, մանավանդ սոցիալիստական ուղիվներից հաղթանակից հետո բնական ժամանակաշրջանում, չի կարելի հանդամանորեն չխոսել աշխատավոր դասակարգերի պայքարը կազմակերպող և ղեկավարող կազմակերպությունների՝ կոմունիստական բջիջների մասին, ըստ ամենայնի, վեր հանելով և զնահատության ենթարկելով նրանց կատարած աշխատանքը:

Աշխատության մեջ որոշակիորեն իր արտացոլումը չի գտել մի այնպիսի կարևոր պրոբլեմ, ինչպիսին բանվոր դասակարգի և գյուղացիության դաշինքի պրոբլեմն է, ցույց չի տրված Հայաստանի կոմունիստական կազմակերպությունների կատարած աշխատանքը և պայքարը այդ դաշինքի ամրապնդման ուղղությամբ: Այս՝ աշխատության էական թերություններից մեկն է:

Գրքում թույլ են լուսարանված կոմունիստական երիտասարդության շարժման հարցերը, երիտասարդության կոմունիստական դրոշի տակ համախմբելու ուղղությամբ «Սպարտակ»-ի կատարած աշխատանքը, նրա մասնակցությունը մայիսյան ապստամբության նախապատրաստման և իրականացման գործում:

Գրքի որոշ գլուխներում նկատվում է շոշափված հարցերի տրամաբանական կապի քաղաքացիություն: Չափից դուրս շատ են անտեղի ենթադրանքները, որոնց մի մասը տրամաբանորեն չի բխում նախորդից: Հաճախ առանձին հարցերի մասին արձանագրվում է փաստը՝ առանց անհրաժեշտ հետևությունների, եզրակացությունների:

Չնայած հիշատակված թերություններին, Հ. Մ. Էլշիրեկյանի աշխատությունը կարևոր ներդրում է սովետահայ պատմագրության մեջ, որի նշանակությունը իրապես մեծ է մեր ժողովրդի նորագույն պատմության համար: Գրախոսվող զիրքը ճշմարտացիորեն պատմում է այն հերոսական պայքարի մասին, որ Հայաստանի բանվորներն ու աշխատավոր ղեկավարները, կոմունիստական պարտիայի ղեկավարությամբ մղել են Հայաստանում Սովետական իշխանության հաստատման համար:

Հ. ԿԱՐԱԳԵՏՅԱՆ